



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

VIII. Ne ecclesiasitca beneficia alicui promittantur antequam vacent.

urn:nbn:de:hbz:466:1-15588

venire præsumperit, portionem cum Giezi se no-
uerit habiturum: cuius factum turpis munera ex-
actione imitatur. Prohibemus insuper, ne noui
census ab episcopis vel abbatibus, aliisve prælatis
imponantur ecclesiis, nec veteres augeantur nec
partem redditum suis vīsibus appropriare præsu-
mant: sed libertates, quas sibi maiores deside-
rant conseruari, minoribus quoque suis bona vo-
luntate conseruent. Si quis autem aliter egerit, irri-
tum quod fecerit habeatur.

VIII.

Nulla ecclesiastica ministeria, seu etiam benefi-
cia, vel ecclesiæ, alicui tribuantur seu promittan-
tur antequam vacent: ne desiderare quis mortem
proximi videatur, in cuius locum & beneficium se
crediderit successurum. Cum enim id etiam in ipsis
Gentilium legibus inueniatur prohibitum, turpe ni-
mis est & diuini plenum animaduersione iudicii, si
locum in Dei ecclesia futuræ successionis expecta-
tio habeat, quam etiam damnare ipsi Gentiles ho-
mines curauerunt. Cum vero præbendas ecclesias-
ticas, seu quælibet officia in aliqua ecclesia vacare
contigerit, vel etiam si modo vacant, non diu ma-
neant in suspenso, sed infra sex menses personis
quæ digne administrare valeant conferantur. Si
autem episcopus vbi ad eum spectauerit, conferre
distulerit, per capitulum ordinetur. Quod si ad ca-
pitulum electio pertinuerit, & infra prædictum
terminum hoc non fecerit, episcopus hoc secun-
dum Deum cum virorum religiosorum consilio
exequatur. Aut si omnes forte neglexerint, metro-

ANNO CHRISTI
1179. politanus de ipsis secundum Deum absque illorum contradictione disponat.

I X.

Cum & plantare sacram religionem, & plantatam fouere modis omnibus debeamus: nunquam hoc melius exequemur, quam si nutrire quæ recta sunt, & corrigere quæ profectum veritatis impedit, commissa nobis auctoritate curemus. Fratrum autem & coepiscoporum nostrorum vehementi conquestione comperimus, quod fratres Templi & Hospitalis, alii quoque religiosæ professionis, indulta sibi ab apostolica sede excedentes priuilegia, contra episcopalem auctoritatem multa præsumunt, quæ & scandalum generant in populo Dei, & graue pariunt periculum animarum. Proposunt enim, quod ecclesiæ recipient de manibus laicorum, excommunicatos & interdictos ad ecclesiastica sacramenta & sepulturam admittant, in ecclesiis suis præter eorum conscientiam & instuant & amoueant sacerdotes, & fratribus eorum ad eleemosynas quærendas euntibus, cum indultum sit eis, vt in aduentu eorum semel in anno ecclesiæ aperiantur, atque in eis diuina celebrentur officia, plures ex eis de vna siue diuersis domibus ad locum interdictum sæpius accedentes, indulgentia priuilegorum in celebrandis officiis abutuntur, & tunc mortuos apud prædictas ecclesiæ sepelire præsumunt. Occasione quoque fraternitatum, quas in pluribus locis faciunt, robur episcopaloris auctoritatis eneruant, dum contra eorum sententiam sub aliquorum priuilegorum obtentu munire cun-